



Examen da qualificaziun per chatschadras e chatschaders 2027/2028

1. Annunzia

Tgi che vul far l'examen da qualificaziun per chatschadras e chatschaders sto s'annunziar **fin e cun ils 15 d'october 2026**. Las candidatas ed ils candidats ston accumplir l'onn 2027 almain il 18avel onn da vegliadetgna (annada 2009 e pli vegl).

La formalitad d'annunzia è publitgada sin la pagina d'internet www.ajf.gr.ch → *Selvaschina e chatscha* → *Examen e scolaziun da chatscha* (formular d'annunzia digital).

Tar l'emprima annunzia importa la taxa 300 francs per l'entir examen sco er per ils documents che vegnan consegnads per sa preparar per l'examen. La taxa da chanzlia importa 20 francs.

L'annunzia vala per l'examen teoretic davart las armas sco er per l'examen pratic davart il diever da l'arma e per l'examen da tir durant ils mais da fanadur/avust da l'onn 2027, per in curs LARGO d'igierna da la charn da selvaschina 2027/2028 e per la part teoretica da l'examen (selvaschina e chatscha) durant ils mais da mars/avrigl da l'onn 2028.

Per la repetiziun da singuls roms d'examen sto vegnir fatga ina nova annunzia. Per quai vegnan incassadas las suandantas taxas:

a) examen teoretic davart las armas:	60.– francs
b) examen davart il diever da l'arma ed examen da tir:	120.– francs
c) examen teoretic davart la selvaschina e davart la chatscha:	140.– francs
la taxa da chanzlia importa:	20.– francs

2. Facturaziun

L'annunzia digitala vegn serrada giu cun il pajament dal quint. Sch'il quint da la taxa na vegn betg pajà a temp, n'è l'annunzia betg valaivla.

3. Realisaziun

Ils examens vegnan fatgs tenor l'Ordinaziun chantunala davart ils examens da chatscha (OCECh) dals 27 da mars 2007 (versiun dal 01-06-2019).

4. Renconuschientscha dals examens davart las armas e dals examens da tir reussids

La dumonda per la renconuschientscha da l'examen davart las armas reussì e da l'examen da tir reussì en Svizra u a l'exteriur sto vegnir inoltrada sin via digitala ensemen cun l'annunzia e cun ils documents correspondents al post d'annunzia.

UFFIZI DA CHATSCHA E PESTGA DAL GRISCHUN

Adrian Arquint

Cuir, 10-08-2026